



Параосиё ўйинлари:

«ОЛТИН»ЛАР ШОДАСИ

ХИТОЙНИНГ ХАНЧЖОУ ШАХРИДА БЎЛИБ ЎТАЁТГАН IV ПАРАОСИЁ ЎЙИНИДА 12 ДАВЛАТДАН 133 НАФАР СПОРТЧИ ҚАТНАШМОҚДА.

Парақаноэ бўйича ўтаётган мусобақаларда Ўзбекистон касабаси уюшмалари Федерацияси тасарруфидagi Республика ихтисослаштирилган комплекс болалар ва ўсмирлар спорт мактабининг 6 нафар спортчиси, яъни Азизбек Абдулхабибов, Ирода Рустамова, Шахзода Мамадалиева, Хайитмурот Шерқўзиёв, Шахноза Мирзаева, Ҳасан Қўлдошевлар қатнашиб, ўз йўналишларида рақиблари устидан ғолиб келиб, олтин медалларни қўлга киритди.

Истеъдодли спортчиларимизни ютуқлари билан муборакбод этамиз!

Зебо НАМОЗОВА
«ISHONCH»



Кун нафаси

◆ Шавкат Мирзиёев 25 октябрь – Ўзбекистон Ички ишлар органлари ходимлари куну муносабати билан соҳа ходимлари ва фахрийларига табрик йўтлади.

◆ Президентнинг фармонида кўра, Ички ишлар органлари ходимларининг бир гуруҳи давлатимизнинг орден ва медаллари билан мукофотланди.

◆ Давлатимиз раҳбари 24-25 октябрь кунлари худудлар ривожини, аҳоли турмуши билан танишиш мақсадида Қашқадарё вилоятига ташриф буюрди. Ташриф давомида саноат корхоналари, таълим ва тиббиёт муассасалари фаолияти, маҳаллалар ҳаёти билан танишилди. Президент раислигида Қашқадарё вилоятини ижтимоий-иқтисодий ривожлантириш чора-тадбирлари бўйича йиғилиш ўтказилди.

◆ Ўзбекистон ташқи ишлар вазири Бактиёр Саидов Люксембургта ташрифи давомида Литва ташқи ишлар вазири Габриэлос Ландсбергис билан музокаралар ўтказди.

◆ 25 октябрь кунини Тошкент шаҳрида «ICT Week Uzbekistan – 2023» – ахборот-коммуникация технологиялари ҳафталигининг расман очилиш маросими бўлди.

◆ Олий таълим, фан ва инновациялар вазирлиги томонидан 2023 йил 16-20 октябрь кунлари ташкил этилган «INNOWEEK – 2023» халқаро инновацион ғоялар ҳафталиги давомида олий таълим муассасаларининг 2022 йилдаги фаолияти самарадорлиги бўйича миллий рейтингни эълон қилинди. Рейтингда «ТИКХММИ» Миллий тадқиқот университетини биринчи ўрини эгаллади.



Фарғона вилояти

Бандлик

Улар энди ишсиз эмас

Президентимизнинг ташаббуси билан Фарғона вилоятининг хотин-қизлар ўрта-сида ишсизликдан холи ҳудудга айлантириш таклифи илгари сурилган эди.

Айни пайтда вилоятда бу борада муайян ишлар қилинмоқда. Хусусан, Ўзбекистон касабаси уюшмалари Федерацияси Фарғона вилояти кенгаши ҳамда Тошкент тумани ҳокимлиги ҳамкорлигида тумандаги хотин-қизлар бандлигини таъминлаш бўйича фаол тадбиркорлар ва иш берувчиларнинг мулоқот учрашуви ташкил этилди. Унда ишлаш истаги бор опа-сингиллар «Amiga textile», «SMSHD TEX» корхоналарида бўлиб, яратилган шартнома ва қўлайлик билан яқиндан танишилди.

«SMSHD TEX» корхонаси фаолияти билан танишган Дилбархон Валиева унда ишлашга жазм қилди. У билан шу ернинг ўзида меҳнат шартномаси тузилди. – Ташаббускорларга раҳмат, – дейди Дилбархон Валиева. – Ушбу мулоқот асносида ўзимга мос иш топдим. – Очигини айтсам, анчадан бўён иш излаб юргандим, – дейди Ўғиллой Тўлқинова. – Бугун кўнглим таскин топди. Тадбиркорлар ва иш берувчилар билан ўтказилган мулоқот учрашувидан кейин «Amiga textile» корхонасига ишга

жойлашдим. Ойдинги 4 миллион сўмгача экан. Бу ердаги шартнома қўлайликлар менга манзур бўлди. Ишга кирганимни эшитган ота-онам ҳам роса суюништи. – Корхонамизда айни пайтда юз нафардан ортиқ хотин-қиз меҳнат қилмоқда. Яна 200 нафар ишчига эҳтиёжimiz бор, – дейди «Amiga textile» корхонаси иш юритувчиси Иродахон Мамасиддиқова. – Бугунги ташкил этилган учрашувда 30 нафардан ортиқ опа-сингилларимиз ишлаш истагини билдиришти. Энди уларнинг ёрдами билан ишлаб чиқариш ҳажмини янада ошираемиз. Корхоналар томонидан ходимлар ишга келиб кетишлари учун автобуслар ажратилгани, ходимлар тушликда иссиқ овқат билан таъминланиши, ойлик маошларининг ўз вақтида тўланиши опа-сингилларимизга маъқул бўлди. Нагжада мулоқот учрашувда ишлаш истаги бор 50 нафардан зиёд хотин-қизнинг бандлиги таъминланди.

Жамшид ЭРГАШЕВ
«ISHONCH»



Андижон вилояти

Дахлдорлик

ОЛАМ ЯШИЛЛИККА БУРКАНСИН!

Хозирги кунда мамлакатимизнинг барча худудларида давлатимиз раҳбари ташаббуси билан бошланган 25 октябрдан 1 декабргача кузги дарахт экиш мавсуми нафақат бугунимизни, балки эртанинг ҳам ўйлаб илгари сурилган эзгу ҳаракатдир.

Ўзбекистон касабаси уюшмалари Федерацияси Андижон вилояти кенгаши жамоаси ҳам мақкур ҳаракатда фаол қатнашиб, манзарали дарахт қўчатларини экиб, шу орқали экологик муҳитни яхшилашга, вилоятимизда амалга оширилаётган кўкаламзорлашти-

риш ишларига салмоқли ҳисса қўшмоқда. Дарҳақиқат, шундай хайрли ишларни ҳар биримиз ҳар кун қилишга, экологик маданият шаклланишига ҳисса қўшишга, табиатнинг бетакрор гўзалликларини асраб-авайлаб, келажак авлодга бус-бутунлигича етказишга ҳар биримиз бурчимиз. Шунини унутмайлик.

Дилфузахон ИСОМИДИНОВА,
Ўзбекистон касабаси уюшмалари Федерацияси Андижон вилояти кенгаши Ташкилий ишлар бўлими етакчи мутахассиси

Ўзбекистон касабаси уюшмалари Федерациясида куну тун фаолият кўрсатадиган қисқа рақамли

1211

«Ишонч телефони», яъни «Call-center»га мамлакатимизнинг турли ҳудудларида, олис ва чекка қишлоқларида яшаётган хотин-қизлар ўз муаммолари бўйича исталган вақтда мурожаат қилишлари мумкин.



Устувор вазифалар таҳлили

Транспорт, йўл ва капитал қурилиш, қурилиш индустрияси ходимлари касабаси уюшмаси Республика кенгашининг навбатдаги раёсат йиғилиши Урганчда ўтказилди.

Йиғилишда раёсат аъзолари, тarmoқ вилоят ташкилотлари мутасаддилари ва бир қатор бошланғич кўмита раислари иштирок этишти.

Республика кенгаши раиси Абдулла Нугманов олиб борган йиғилишда тarmoқ кенгашининг 2023 йилнинг ўтган давридаги фаолияти танқидий таҳлил қилинди. Хусусан, тarmoқ касабаси аъзоларининг ижтимоий-иқтисодий қўллаб-қувватлаш, улар учун муносиб иш шартноmaları яратиш, сoломатлиги ва дам олиши билан боғлиқ масалаларни ҳал этиш борасида қўрилаётган чора-тадбирлар хусусида ахборот берилди. Шундан сўнг тarmoқ касабаси уюшмаси тизимида маданий-маърифий ва спорт

тадбирларини ташкил қилиш, маънавият соатлари ўтказиш борасида олиб борилган тадбирлар ҳақидаги масала қўриб чиқилди. Таъкидланганидек, 2023 йилнинг 9 ойи давомида 4 минг 353 та меҳнат жамоасида ўтказилган маърифат соатларида 115 минг 225 нафар ходим иштирок этган. Уларда Ватанга муҳаббат ва садоқат, миллий урф-одат, анъана ҳамда кадрларнинг ҳаётимиздаги ўрни ва аҳамиятини ҳар томонлама тарғиб этишга эътибор қаратилган.

Раёсат йиғилишида Ўзбекистон касабаси уюшмалари Федерацияси кенгаши мажлиси қарорлари ижросини таъминлашга эътиборини қўйиштириш, бошланғич ташкилотлар фаолиятини янада яхшилаш зарурлиги таъкидланди.

Қўрилган масалалар юзасидан тегишли қарорлар қабул қилинди ва мутасаддиларга зарур топшириқлар берилди.

Транспорт, йўл ва капитал қурилиш, қурилиш индустрияси ходимлари касабаси уюшмаси Республика кенгаши томони-

дан қўйи бўғинда ижтимоий шериклик муносабатларини кенг йўлга қўйиш, бошланғич ташкилотлар фаолиятини янада яхшилаш мақсадида «Энг яхши жамоа шартномаси – 2023» кўрик-танлови ташкил қилинган эди. Кўрик-танловнинг республика босқичида Хоразм вилояти автомобиль йўллари бош бошқармаси иккинчи ўринни қўлга киритди. Раёсатдан кейин ғолиб бошланғич кўмитага Республика кенгашининг дипломи ҳамда қимматбаҳо совғалари топширилди.

Шу кун раёсат аъзоларининг қадимий ва навқирон Хива ҳамда Урганч шаҳарлари бўйлаб саёҳатлари ҳам ташкил қилинди. Республика кенгаши томонидан раёсат йиғилишларини вилоятларда ўтказишдан қўзланган мақсад ҳам шу – ходимларни юртимизнинг диққатга сазовор жойлари билан таништириш, ўзаро тажриба алмашишлари учун шарт-шароитлар яратиштириш.

Муҳаббат Тўрабоева
«ISHONCH»



Ташкент вилояти
Касб-корига меҳри синган инсонлар вақт-соати келиб пенсияга чиққанида, қадрдон жамоаси ва атрофдаги таниган-билганлар тез-тез эслаб, йўқлашса, хурсанд бўлишади. Жамоада ўринлари нечоғлик эканини чуқур ҳис қиладилар, хизматлари беиз кетмаганидан, эътибордан бошлари кўкка етади.

«Худудгаз Тошкент» газ таъминоти филиали бошланғич касба уюшмаси ана шундай хайрли ишларни анъанага айлантирган. Хусусан, филиалда фаолият юритиб, ҳозирги кунда пенсионер ҳисобланган 80 нафар фахрийнинг ҳолидан хабар олинди. Улар билан самимий суҳбатлар қурилди, эсдалик совғалар тақдим этилди.

– Мен бу соҳада 55 йил ишлаганман, – дейди Ғани Жўраев. – Йиллар мобайнида хизмат кўрсатиш устаси, катта муҳандис, шўба корхонаси раҳбари, бўлим бошлиғи каби лавозимларда фаолият кўрсатдим. Жамоадагилар бир-бирлари билан жуда аҳил бўлиб, касба уюшмаси тавсияси асосида дам олган масканларимиз, фарзандларимизга йўлланма берилган оромгоҳлар хотирамизда бир умрга муҳрланган. Мана, ҳозир пенсиядамыз.

ҚАДРЛАГАН ҚАДР ТОВАР



Шундай бўлса-да, касба уюшмасидагилар мудом йўқлаб туришади. Меҳнатларимни унутишмаганига ич-ичимдан хурсанд бўламан. Қадрлаганларнинг ўзлари ҳам осмон қадар юксак қадр топишсин.

Маълумот ўрнида айтиш керак, «Худудгаз Тошкент» газ таъминоти филиали бошланғич касба уюшмаси ташаббуси билан жорий йилнинг 9 ойи давомида жами 39 нафар ходим турли дам олиш масканлари

ва санаторийларга юборилган. Шунингдек, 12 нафар ходимнинг оила аъзолари ҳам дам олишлари ташкил қилинган. Касба уюшмаси 18 нафар моддий ёрдамга муҳтож ходимга 22 миллион сўмдан зиёд моддий ёрдам кўрсатди. 6 нафар соғлиғида жиддий муаммоси бор ходимга жарроҳлик амалиёти учун қарийб 71 миллион сўм тўлаб берилди.

Касба уюшмаси томонидан ички туризмни ривожлантириш ва ходимларнинг маданий дам олишларини уюштириш мақсадида туман ва шаҳар газ идораларида ишга ётган жами 100 нафар ходим учун қадимий Самарқанд шаҳрига саёхатлар ташкил этилди.

Шунингдек, ташкилот бошланғич касба уюшмаси томонидан ҳар бир ходимнинг туғилган куни ва юбилей ёшларида табриклаш, пенсия ёшига етганида уларни эсдалик совғалари билан тантанали кузатиш анъанага айланган.

Гўзал МАҲМАДАЛИЕВА,
«Худудгаз Тошкент» газ таъминоти филиали бошланғич касба уюшмаси ҳисобчиси

Фаолият



Бухоро вилояти
Ўзбекистон касба уюшмалари Федерацияси Бухоро вилояти кенгашида «Мурожаатлар билан ишлаш тизими самардорлигини ошириш давр талаби» мавзусида ўқув-семинар ташкил этилди.

МУРОЖААТЛАР БИЛАН ИШЛАШНИ БИЛАСИЗМИ?



Тадбирда Федерация раиси ўринбосари, Меҳнат инспекцияси бошлиғи Қобилжон Қирғизалиев, вилоят кенгаши раиси Мухаммадқосим Олимов, кенгаш аъзолари, оммавий ахборот воситалари вакиллари иштирок этишди.

Иштирокчиларга тизимда амалга оширилаётган ислохотлар, ходимлар ўртасида меҳнат интизоми ва жисмоний юридик шахсларнинг мурожаатлари билан ишлаш тартиблари тўғрисида тушунчалар берилди.

– Мурожаатларни ўрганишда ҳар бир келтирилган ваз ваз бўйича режа тузилиши, унга мувофиқ ишнинг кетма-кетлиқда ўрганилиши, мурожаат муаллифининг ҳар бир соволига батафсил жавоб қайтарилиши иш самардорлигини оширувчи асосий омиллардан саналади, – деди Қобилжон Қирғизалиев. – Биз шу асосда тегишли масъулларга тавсиялар бердик.

Қайд этиш лозимки, вилоят кенгашига йил давомида кўплаб мурожаатлар келиб тушади. Биргина жисмоний ва юридик шахсларнинг мурожаатлари билан ишлаш бўйича бош мутахассис Рустам Насимов айтишича, ҳисобот даврида 133 та мурожаат қабул қилинган. Уларнинг 130 таси ходимларнинг меҳнат соҳасидаги қонун ҳужжатларида белгиланган ҳуқуқларини ҳимоя қилиш, хусусан, ишга тиклаш, иш ҳақи ва унга тенглаштирилган тўловларни тўлиқ ундириш, 56 таси ҳуқуқий ҳимоя, 27 таси моддий ёрдам ажратиш, 13 таси меҳнат муҳофазаси, 17 таси ижтимоий-иқтисодий манфаатларини ҳимоялаш ва 20 таси бошқа масалалар бўйичадир. Арзларнинг барчасини кўриб чиқиш натижасида 73 нафар ходимнинг меҳнат ҳуқуқлари тикланган.

Анжуман қизгин руҳда ўтди. Иштирокчилар меҳнат ҳуқуқлари борасидаги билимлари бойиганини, кўплаб янгиликлардан хабардор бўлишганини алоҳида эътироф этишди.

Дилдора ИБРОХИМОВА
«ISHONCH»



«Аёллар дафтари»ни варақлаганда...

«ЛОЛАЗОР»ДА ЯНГИЛИКЛАР КўП

Косон туманидаги «Лолазор» маҳалласи аҳлининг ҳаёт тарзи яхшиланишида «Аёллар дафтари» муҳим аҳамият касб этаётир.

Маҳаллада 62 нафар хотин-қиз «Аёллар дафтари»нинг тўртинчи босқичида рўйхатга олинган. Шундан ногирон фарзанди бор аёлларга бир марталик моддий ёрдам кўрсатилди. Бу ҳаммаси эмас. Ногирон фарзанд тарбиялаётган Гулнора Қўзиевага моддий ёрдамдан ташқари 5 миллион сўм маблағ шифохонага ўтказиб берилди. Даволашни чиққан фарзанднинг саломатлигида ижобий ўзгаришлар бор. Шунингдек, боқувчисини йўқотган, икки боласи билан бировнинг уйда яшаб келаётган Наргиза Қаҳоровога ҳомийлар томонидан янги уй соғла қилинди. Болаларига нафақа тайинланди.

Уч нафар фарзанди билан нотураржойда ноқонуний тарзда яшаётган Шаҳзода Ҳайдаровага

ҳам янги уй ҳужжатлари тақдим этилди. Бу оила энди уйли бўладиган бўлди.

Беш фарзанднинг онаси Шаҳноза Раҳмонова ишлаш истагини билдириб, ўзини «Аёллар дафтари»га киритишни сўраганди. Шундан сўнг у маҳалладаги спорт мажмуасига фаррошликка қабул қилинди. Бундан ташқари, турмуш ўртоғи билан ажрашган Фотима Эшонқулова «Бунёдкор текстил»га ишга жойлашди.

Мухлиса Саторованинг бошидан кечирганлари анча изтиробли. Дастлаб, фарзандидан жудо бўлди. Дилбанди доғида руҳий тушунлиққа тушиб қолган аёлни «стресс»дан чиқиши қийин кечди. Бу орада турмуш ўртоғи билан орасига совуқчилик тушиб, оила ҳам

бузилди. «Дард келса, қўша-қўша келадими» деганларидек, аёл йиқилиб, умуртқасини синдириб олди. Тўшакка микланди. Юролмай қолди. «Аёллар дафтари»нинг шарофати билан Мухлисанинг даволаниши учун маблағ ажратилди. Шифокорларнинг айтишича, саломатлиги секин-аста тикланиб бормоқда.

«Лолазор» маҳалласи хотин-қизлар фаоли Марҳабо Маматова касба уюшма ҳамда ҳамкор ташкилотлар вакиллари билан хонадонма-хонадон юриб, хатлов ишларини олиб борапти. Тарғиботнинг самараси ўлароқ, имтиёзли кредит асосида чорвачилик, паррандачилик, иссиқхона юмушлари билан банд бўлишни ихтиёр қилганлар кўпчилиги экан. Демак, худудда ҳали кўп янгилик бўлади, ижобий эврилишлар давом этади.

Акmal АБДИЕВ
«ISHONCH»



Соғлиқни сақлаш ходимлари касба уюшмасининг Тошкент шаҳар кенгашига вирусология илмий-тадқиқот институтининг инфекционист-шифокори Феруза Назаровадан ариза келиб тушди. Унда корона-вирус пайтида ўзига бир йўла тўланиши шарт бўлган қўшимча тўловлар ҳамон берилмаётгани ҳақида сўз юритилган эди.

ЮЗ МИЛЛИОН СЎМЛИК ТўЛОВ УНДИРИЛАДИГАН БўЛДИ

Бу ариза тармоқ касба уюшмаси Республика кенгаши инспекциясининг Тошкент шаҳар бўйича меҳнат ҳуқуқ инспектори Муҳиддин Содиқов томонидан атрофлича ўрганилди. Пировардида Ф.Назаровага рағбатлантириш тўловлари, ҳақиқатан ҳам, белгиланган муддатда берилмагани маълум бўлди.

Ҳолбуки, Соғлиқни сақлаш вазирлигининг 2020 йил 4 июлдаги кўрсатма хатига кўра, ўша йил 5 июлдан эътиборан у институтнинг жадал даволаш бўлимига жойлаштирилган, COVID-19 инфекцияси билан оғир ва ўта оғир даражада касалланган беморларни даволашга жалб этилган. Иш фаолиятини ўн тўрт кун давомида икки сменада олиб борган. 17 июлда режага мувофиқ, ундан коронавирус инфекциясига намуна олинган. Лаборатория текшируви натижаси мусбат эканлиги маълум бўлгани туфайли уй шароитида ўн кун даволанган.

Президентимизнинг 2020 йил 26 мартдаги 4652-сонли қарори ҳамда Бош вазирнинг 2020 йил 30 апрелдаги баённомасининг 4-боби, 31-бандига асосан коронавирус инфекцияси тарқалишига қарши курашиш доирасида беморлар билан ишлаган вақтда коронавирус юқтириб олган тиббиёт ходимларига 100 миллион сўм тўланиши лозимлиги қайд этилган. Бундан ташқари, давлати раҳбари қароридан унинг ижроси билан боғлиқ харажатлар Молия вазирлиғи хузуридаги инқирозга қарши курашиш жамғармаси маблағлари ҳисобидан амалга оширилиши белгилаб қўйилган. Шунга қарамай, Феруза Назаровага бу пул ҳозиргача тўланмаган.

Ана шу боис меҳнат ҳуқуқ инспектори Соғлиқни сақлаш вазирлиги ва Молия вазирлиги ҳисобидан Ф.Назарова фойдасига 100 миллион сўм ундириш тўғрисидаги ариза билан судга мурожаат қилди. Фуқаролик ишлари бўйича Шайхонтоҳур туманлараро суди шу асосда қўзғатилган ишни ҳолисона кўриб чиқиб, давво-аризани қаноатлантиришни лозим топди. Бу ҳақдаги ҳал қарорига биноан, Молия вазирлиги орқали республика бюджетидан Феруза Назаровага фойдасига 100 миллион сўм миқдорига бир йўла бериладиган тўловлар ундирилиб, вирусология илмий-тадқиқот институти орқали тўлаб бериладиган бўлди.

Раъно МАҲҚИМОВА
«ISHONCH»



Сурхондарё вилояти

Фаолиятимиз бевосита меҳнат қонунчилиги билан боғлиқ. Шу боис бизга кўплаб соҳага оид мурожаатлар бўлади.



Жумладан, навбатдаги мурожаатчилар – Бўри Муродов, Рустам Худойбердиев, Шухрат Раҳимов, Нурқобил Азизовлар ўз аризаларида иш берувчининг хати-харақати туфайли мажбурий бекор юрган вақтлари учун ойлик иш ҳақлари ва маънавий зарарларни

ИШ БЕРУВЧИНИНГ ХАТОСИ ҚИММатГА ТуШДИ

ундиришни сўради.

Мурожаатлар ўрнатилган тартибда ўрганиб чиқилди.

Гашундаки, улар жорий йилнинг 23 мартга чавилоят иқтисодиёти ва молия бозорисидега фаолият юритиб келишган.

Давлат раҳбарининг 2022 йил 21 декабрдаги «Янги Ўзбекистон маъмурий ислохотларини амалга ошириш чора-тадбирлари тўғрисида»ги фармонида мувофиқ, Молия вазирлиги негизда Иқтисодиёт ва молия вазирлиги ташкил этилди ва намунавий штат жадвалига биноан баъзи штат бирликлари қисқартрилди.

Иш берувчи мана шу фармон ижросини таъминлаш мақсадида ходимлар билан тузилган меҳнат шартномасини бекор қилган. Бунга Меҳнат кодексининг 100-моддаси 2-қисми 1-бандини асос сифатида келтирган.

Аммо олиб борилган ўрганишлар шуни кўрсатдики, юқоридега ходимларнинг штат бирликлари қисқармаган. Демак, бундан оидинлашадиги, иш берувчи Б.Муродов, Р.Худойбердиев, Ш.Раҳимов ва Н.Азизов билан тузилган меҳнат шартномасини бекор қилишда Меҳнат кодексининг 100-, 101-, 98-, 92-модда талабларини қўпол равишда бузган.

Ўзбекистон касба уюшмалари Федерациясининг Сурхондарё

хондарё вилояти кенгаши ходимларнинг манфаатини кўзлаб, фуқаролик ишлари бўйича Термиз туманлараро судида давво-ариза киритди.

Фуқаролик ишлари бўйича Термиз туманлараро судида давво-ариза тўлиқ қаноатлантирилди.

Хусусан, суд қарорига биноан Б.Муродов Бойсун тумани иқтисодиёт ва молия бўлимининг ободонлаштириш, коммунал ва йўл хўжалигини ривожлантириш тадбирларини молиявий таъминлаш шувъаси бош мутахассиси лавозимига ишга тикланадиган ва мажбурий бекор юрган кунлари учун иш берувчидан унинг фойдасига 15 миллион 665 минг 78 сўм иш ҳақи ҳамда 7 миллион 600 минг сўм маънавий зарар ундириладиган бўлди.

Р.Худойбердиев Ангор тумани иқтисодиёт ва молия бўлими жисмоний ва юридик шахслар мурожаатларини мувофиқлаштириш ва назорат қилиш бўйича бош мутахассис лавозимда иш бошлаш, мажбурий бекор юрган кунлари учун иш берувчи унга 9 миллион 972 минг 940 сўм ойлик иш ҳақи ва 5 миллион сўм маънавий зарар тўлаши керак.

Ш.Раҳимов Шўрчи тумани иқтисодиёт ва молия бўлими маҳаллий бюджетни шакллантириш бюджет ташкилотларини молиявий таъминлаш бўлими бош мутахассиси лавозимига ишга тикланиб, унга мажбурий бекор юрган вақтлари учун 10 миллион 223 минг 990 сўм ойлик иш ҳақи ва 5 миллион 500 минг сўм маънавий зарар ундирилди.

Н.Азизов эса Узун тумани иқтисодиёт ва молия бўлими маҳаллий бюджетни шакллантириш, бюджет ташкилотларини молиявий таъминлаш бўлими бош мутахассиси лавозимда фаолият бошлади, мажбурий бекор юрган вақтлари учун унга 18 миллион 843 минг 504 сўм ойлик иш ҳақлари ва 8 миллион 200 минг сўм маънавий зарар қўлаб берилди.

Зариф ХОЛОВ,

Ўзбекистон касба уюшмалари Федерацияси Сурхондарё вилояти кенгаши меҳнат ҳуқуқ инспектори

Ishonch savoli

РАҚОБАТНИ РИВОЖЛАНТИРИШ ВА ИСТЕЪМОЛЧИЛАР ҲУҚУҚЛАРИНИ ҲИМОЯ ҚИЛИШ ҚЎМИТАСИ ҲАМДА ЭНЕРГЕТИКА ВАЗИРЛИГИ ДИҚҚАТИГА!



РОСТДАН «АИ-80»МИ?

ёҳуд бензиннинг сифатига ким жавоб беради?

Ҳар йили йил якунига қараб боравергач, пойтахтдан тортиб вилоятларгача ёнилғи, яна ҳам аниқроғи, бензин тақчиллиги кўзатилади. Бу йил ҳам октябрь ойиданоқ ушбу таниш ҳолат кўзга ташланыпти.

Вазиятни мунтазам кузатиб бораёلمиз. Аввалига бензин нархлари ошди. Кейин эса АИ-90, АИ-95 маркали бензинларнинг сифати пастлиги оқибагида автомашиналарнинг эҳтиёт қисмлари ишдан чиқаётгани ҳақида турли гап-сўзлар (ижтимоий тармоқларда) айланиб қолди.

Аммо Энергетика вазирлиги ёки «Ўзбекнефтгаз» АЖнинг бирор бир масъули ҳолат бўйича бир энлик изоҳ ёки тушунтириш бермади.

Энди эса интернетда яна бир хабар тарқалди. Айрим ёнилғи куйиш шохобчалари (сифати пастлиги учун Қозоғистон ва Россия ишлаб чиқаришни бир неча йил аввал тўхтатган) АИ-80 маркали бензинни «российский» ёрилғи билан сотаётган экан.

Энди саволлар туғилади: улар бу билан ўзимизнинг ҳалқимизни алдашптими? Ёки ҳақиқатан ҳам, бу тадбиркорлар Россия бензинини сотишаётганмикан?

Агар шундай бўлса, Россия Федерацияси бензин экспортини расман тўхтатгани ҳақида нима дейсиз?

Одамларда туғилаётган бу каби шубҳали қарашлар ва саволларга ким жавоб беради? Қачонгача бундай инсофсиз тадбиркорлар дастидан оддий халқ алданавради? Наҳотки, юртимизда уларни тийиб кўядиган ташкилот бўлмас? Ёки энергетика тизими эгасизими?

Зебо НАМОЗОВА «ISHONCH»

Таққос

ҲИСОБОТИНГИЗ ҲАЁТИЙ ЭМАС

МАКРОИҚТИСОДИЙ ВА ҲУДУДИЙ ТАДҚИҚОТЛАР ИНСТИТУТИ ЭЪЛОН ҚИЛГАН НАРХ-НАВО ХУСУСИДА МУЛОҲАЗАЛАР

Ўтган ҳафта Макроиқтисодий ва ҳудудий тадқиқотлар институти (МҚТИ) озиқ-овқат маҳсулотлари нархини эълон қилди.

Унга кўра, мутахассислар 7 сентябрь ҳамда 12 октябрь кунлари пойтахтдаги йирик супермаркетларда 21 номдаги озиқ-овқат нархини ўрганган. Мониторинг натижалари 8 хил маҳсулот бўйича минимал нархлар ўтган ойдагига нисбатан пасайганини кўрсатган. Хусусан, оқ қарам 61,5 фоиз, олма 15,4 фоиз, сариқ пиёз 10,3 фоиз, макарон 4,7 фоиз, мол гўшти (филе) 4,6 фоиз, ўсимлик мойи 3,1 фоиз, лимон 1,6 фоиз, бодринг 1,3 фоизга арзонлаган. Гуруч, шакар ва маргарин нархлари ўзгаришсиз қолган. 10 номдаги маҳсулот нархлари эса ошган. Айниса, помидорнинг энг арзони 5950 сўмдан 9990 сўмга кўтарилган. Банан ва сут нархида ҳам ўсиш бор – мос равишда 3000 сўм ва 2110 сўмга қимматлаган.



Институт мутахассислари нарх-наво ҳолатини ўрганишда қайси омиллarga эътибор қаратгани тушунар. Чунки улар эълон қилган ҳисоботлар мантиққа тўғри келмаяпти.

Аслида, супермаркетда маҳсулотлар бозордагига нисбатан бирмунча қиммат сотилади. Буни ҳамма билади. Лекин мутасаддилар таҳлиллари гўёки супермаркетларда арзончилик деган муждани бераётгандек.

Ҳақиқатан ҳам шундайми? Асл ҳолатни билиш учун пойтахтнинг бир неча бозорини айландик. Иложи борича, арзонроқ ва гавжумроқ бозорлардаги нарх-наво учунгина уларни умумлаштирдик.

Масалан, пойтахтнинг энг арзон бозори – «Кўйлик» деҳқон бозоридаги нарх-наволарни кўриб чиқайлик.

Мазкур бозорда мутахассислар арзонлашиш деб айтаётган озиқ-овқат маҳсулотлари – қарам (1 кг. – 4 минг, донага – 8 минг сўм), олма (1 кг. 10 мингдан 30 минг сўмгача), пиёз (1 кг. 3-5 минг сўм), мол гўшти (1 кг. сувли – 65-85 минг сўм), бодринг (10-15 минг сўм), ўсимлик ёғи ярмаркада (1 литри – 14 минг 500 сўм, бошқа расталарда – 19 минг сўм)дан сотилмоқда.

Сотувчиларнинг айтишича, Макроиқтисодий ва ҳудудий тадқиқотлар институти «арзонлади» дейётган маҳсулотлар нархи яқин орада қимматласа-қимматлаган, асло пасаймаган.

– Тўғри, сентябрь ойида қарам бироз қимматроқ эди, – дейди «Кўйлик» деҳқон бозоридаги сотувчилардан бири. – Чунки унга талаб кўп, махсулот эса етарли эмасди. Ҳозир қарам айнаиб етилган пайт. Лекин кўпчилик уни тузлашга улгурди. Шу боис, ҳақиқатан ҳам, ҳозир бозорда қарамнинг нархи бироз пастлади. Лекин сиз айтаётган бошқа озиқ-овқат

маҳсулотлари нархи ўсишда давом этмоқда. Умуман олганда, октябрь ойида нарх-наволар анча кўтарилди.

– Кўп йиллардан буён шу соҳадаман, – дейди бозордаги қассоб. – Бозорда гўшт сотаётганимга анча бўлди, лекин бирон марта нархи арзонлаганини эслолмаймаман. Мутахассислар гўштни нархи тушибди, деган ҳисоботларни қаердан оляпти, билмадим. Масалан, ҳозир биз новвос гўштининг килограммини 75 минг сўмдан сўйиб олиб, бозорда 85 мингдан сотаямиз.

Пойтахтнинг «Эски жўва», «Машинасозлар», «Юнусобод» каби деҳқон бозорларидаги нархлар эса «Кўйлик» бозоридан 10-15 фоизга фарқ қилади.

– Ҳар ҳафта «Кўйлик» деҳқон бозоридан рўзгорлик қиламан, – дейди Анвар Пардаев. – Бошқа бозорларга нисбатан анча арзон. Онда-сонда ижтимоий тармоқларда тегишли ташкилотларнинг нарх-наво борасидаги ҳисоботларига кўзим тушиб қолади. Очиғи, улар келтираётган рақамлардан ҳайратга тушаман. «Фалон ойда фалон маҳсулотнинг нархи шунчага арзонлади», деган гапга ўзларидан бошқа ҳеч ким ишонмас керак.

Хуллас, Макроиқтисодий ва ҳудудий тадқиқотлар институти арзонлади, деган маҳсулотлар бозорларда бундан олдинги ойга нисбатан ошган бўлса, ошганки, арзонлашмаган. Ҳар ҳолда, бунинг халқ ўз ҳаётида сезаётгани йўқ. Шундай экан, мутахассислар кимни алдаяпти? Халқ ҳаётига дахлдор бўлмаган ҳисоботни эълон қилишдан мақсад нима? Ҳарқалай, халқнинг турмуши, кундалик ҳаёти билан боғлиқ масалаларда фақат уч-тўртта супермаркетдаги нарх-наво ўрганиш билан чекланиб, ақл бовар қилмас рақамларни эълон қилиш одамларни чалғитишдан ўзга нарса эмас. Ваҳоланки, асл вазиятнинг кунда-кунора бозор оралайдиган одамлар жуда яхши кўриб-биллиб турибди. Бу каби ҳисоботлар эса жамият равақига, халқ ишончига путур етказди, холос.

Ғулмужон МИРАҲМЕДОВ «ISHONCH»



Саидқабар АБДУРАИМОВ олган суратлар



УЙИНГИЗДА КИТОБ ЖАВОНИ БОРМИ?

Китобсиз уй руҳсиз танага ўхшайди. Китоб билим манбаи, тафаккур чироғидир. Китобнинг ажойиб хусусиятлари, замон қанчалик ривожланмасин, ўз аҳамиятини йўқотмаган.

Бугун замонавий технологиялар воситасида китобнинг муқобил вариантлари ҳам тавсия қилинмоқда. Уларнинг ҳам аҳамияти катта. Бироқ китобнинг маърифий, тарбиявий, инсон руҳи ва онгини, тасаввури ҳамда дунёқарошини ривожлантиришдаги таъсир кучи муқобилларига нисбатан анча самарали ва мустақкам асосларга эга. Балки шунинг учун ҳам тараққий этган мамлакатларда китобга муносабат ҳамон ижобийдир.

Тадқиқотларга кўра, 2022 йилда аҳолиси китоб ўқишга кўп вақт сарфлайдиган давлатлар рейтингига Ҳиндистон, Таиланд, Хитой етакчилик қилган. Ҳиндлар бир ҳафтада 10 соатдан кўп вақтини китоб ўқишга сарфлар экан. Албатта, бу умумлаштирилган маълумот бўлиб, кимдир бир соат, кимдир 15 соат, яна кимдир умуман ўқишмаслиги мумкин. Энг китобхон халқлар ўнталигидан Россия, Миср, Саудия Арабистони, Йигирматаликдан эса Туркия жой олган.

Давлатимиз томонидан китобхонлиқни ривожлантириш борасида амалга оширилаётган ишлар, бу борада давлат дастурлари қабул қилиниб ижрога қаратилиши, турли вазирилик ва ташкилотлар ўтказаятган кўрик-танловлар, мусобақали акциялар натижасида сўнги йилларда китобхонлиқ даражаси бироз ривожлангандек. Юртимизда китобхонлиқни тарғиб қилиш йўлида қатор лойиҳалар ўтказилмоқда. Ёшлар китоб ўқишлари учун ҳатто энгил автомобиллар берилмоқда.

Кўпчилик мутахассислар йиллар давомида китобхонлиқнинг умумий ҳаётдаги ҳаракат даражасига чикмай қолганига одамларнинг иқтисодий таъминотини муаммо сифатида рўқс қилади.

Ҳўш, шундай бўлса, яқинларгача аҳолисининг 55 фоизи қашшоқликда кун кечирадиган Ҳиндистон қандай қилиб энг китобхон миллат сифатида рейтингда биринчи ўринда турибди?! Ёки бугун қозғош шаклидаги китобларнинг умри тугади, энди китобларни электрон курилмалар – компьютер ва гаджетлар орқали ўқийман, деган киши ҳам адашади. Чунки шу электрон курилмаларни бизга экспорт қилаётган Хитой ва Таиланд каби давлатлар аҳолиси қоғоз китобларни ўқиш бўйича дунёнинг етакчилари.

Мени бугун китоб эмас, ҳондонимизда уни қўйиш учун жой, жавон борми деган савол кизиқтиради. Аслида юртимиздаги ҳар бир ҳондонда китоб жавони бўлиши керак. Чунки китоблар унинг муҳитини ўзгартиради, оилада китобга бўлган қизиқишни оширади.

Масалага янада чуқурроқ ёндашсак, уйда китоб жавони

бўлиши куйидагиларга сабаб бўлади:

- Вақтни тежайди, керак китоб тез топилади;
- Болаларни китоб ўқиш қўникмасини шакллантиришда етакчи аҳамият касб этади. Шунингдек, оиланинг бошқа аъзолари ҳам бўли вақтини китоб ўқиш билан ўтказишга шариқ яратади;
- Китобларнинг жавонда туриши унинг яхши ҳолатда сақланишига ва узоқ муддат хизмат қилишига олиб келади;
- Китоб жавони уйга кўрк кўшади.

Ҳўш, нега уйимизда китоб жавони йўқ?

Илгари, ҳали юртимизда иқтисодий муаммолар тўлиқ бартараф этилмасдан туриб, бу саволни қўйиш дуруст бўлмас эди. Бугун, шукурки, аксарият оилаларнинг фаровонлиги ошган.

Бугун ўртача даромадга эга юрдошимизнинг ҳондонини уйга кириш жойида кийим илишга мўлжалланган мебелдан тортиб оилаларнинг фаровонлиги жиҳозланган. Ётоқхонамиз қимматбаҳо тош ойна, қарафт, сантобхонлиқни ривожлантириш борасида амалга оширилаётган ишлар, бу борада давлат дастурлари қабул қилиниб ижрога қаратилиши, турли вазирилик ва ташкилотлар ўтказаятган кўрик-танловлар, мусобақали акциялар натижасида сўнги йилларда китобхонлиқ даражаси бироз ривожлангандек. Юртимизда китобхонлиқни тарғиб қилиш йўлида қатор лойиҳалар ўтказилмоқда. Ёшлар китоб ўқишлари учун ҳатто энгил автомобиллар берилмоқда.

Кўпчилик мутахассислар йиллар давомида китобхонлиқнинг умумий ҳаётдаги ҳаракат даражасига чикмай қолганига одамларнинг иқтисодий таъминотини муаммо сифатида рўқс қилади.

Ҳўш, шундай бўлса, яқинларгача аҳолисининг 55 фоизи қашшоқликда кун кечирадиган Ҳиндистон қандай қилиб энг китобхон миллат сифатида рейтингда биринчи ўринда турибди?! Ёки бугун қозғош шаклидаги китобларнинг умри тугади, энди китобларни электрон курилмалар – компьютер ва гаджетлар орқали ўқийман, деган киши ҳам адашади. Чунки шу электрон курилмаларни бизга экспорт қилаётган Хитой ва Таиланд каби давлатлар аҳолиси қоғоз китобларни ўқиш бўйича дунёнинг етакчилари.


Мени бугун китоб эмас, ҳондонимизда уни қўйиш учун жой, жавон борми деган савол кизиқтиради. Аслида юртимиздаги ҳар бир ҳондонда китоб жавони бўлиши керак. Чунки китоблар унинг муҳитини ўзгартиради, оилада китобга бўлган қизиқишни оширади.

Бекзод АБДИРИМОВ, Республика маънавият ва маърифат маркази Хоразм вилояти бўлими раҳбари

Таълим ва фан ходимлари қасаба уюشمаси Республика кенгаши жамоаси Кенгаш раисининг Ёшлар масалалари бўйича маслаҳатчиси Жамил Яратова волида муҳтарамаси **Мамлакат ХОЛМИРЗАЕВА** вафот этгани муносабати билан ҳамдардлик билдирди.

Ўзимизнинг Махаррадзе

Қўтлов ўрнида



МУАССИС:

O'zbekiston kasaba uyushmalari Federatsiyasi

2007-yil 11-yanvarda O'zbekiston Matbuot va axborot agentligida 116-raqam bilan ro'yatga olingan.

«Ishonch» va «Ishonch-Doverie» gazetalarini tahrir hay'ati:

Qudratilla RAFIQOV (tahrir hay'ati raisi), Ulug'bek JALMENOV, Anvar ABDUMUXTOROV, Sayfulla AHMEDOV, Akmal SAIDOV, Ravshan BEDILOV, Qutlimurot SOBIROV, Suhrob RAFIQOV, Shoqosim SHOSLOMOV, Hamidulla PIRIMQULOV, Nodira G'OYIBNAZAROVA, Anvar QULMURODOV

(Bosh muharrirning birinchi o'rinboshari),

Mehriddin SHUKUROV (Mas'ul kotib - «Ishonch»), Valentina MARSENYAK (Mas'ul kotib - «Ishonch-Doverie»)

Bosh muharrir Husan ERMATOV

Bo'limlar: Kasaba uyushmalari hayoti - (71) 256-64-69; Huquq va xalqaro hayot - (71) 256-52-89; Milliy-ma'naviy qadriyatlar va sport - (71) 256-82-79; Xatlar va muxbirlar bilan ishlash - (71) 256-85-43; Marketing va obuna - (71) 256-87-73

Hududlardagi muxbirlar: Qoraqalpog'iston Respublikasi - (+998-99) 889-98-20; Andijon viloyati - (+998-99) 889-90-23; Buxoro viloyati - (+998-99) 889-90-31; Jizzax viloyati - (+998-99) 889-90-34; Namangan viloyati - (+998-99) 889-98-02; Navoiy viloyati - (+998-99) 889-90-28; Samarqand viloyati - (+998-99) 889-90-26; Sirdaryo viloyati - (+998-99) 889-98-55; Surxondaryo viloyati - (+998-99) 379-19-70; Toshkent viloyati - (+998-99) 600-40-44; Farg'ona viloyati - (+998-99) 889-90-24; Xorazm viloyati - (+998-99) 889-98-01; Qashqadaryo viloyati - (+998-99) 889-90-27

«Ishonch»dan olingan ma'lumotlarda manba sifatida gazeta nomi ko'rsatilishi shart. Mualliflar fikri tahririyat nuqtai nazaridan farqlanishi mumkin.

Navbatchi muharrir: A.Haydarov

Musahhihlar: D. Xudoyberganova, D. Ravshanova

Sahifalovchi: H. Abdullajilov

Bosishga topshirish vaqti - 00:30 Topshirildi - 00:50

Bahosi kelishilgan narxda

Manzilimiz: 100165, Toshkent shahri, Buxoro ko'chasi, 24-uy. E-mail: ishonch1991@yandex.uz

Tahririyat hisobraqami: 2021.0000.0004.3052.7001, ATIB «poteka bank» Yashnobod filiali, bank kodi: 00959, STIR: 201133889, OKED: 58130

Gazeta haftaning seshanba, payshanba va shanba kunlari chiqadi. Gazeta «Ishonch»ning kompyuter markazida teriladi va sahifalandi.

Gazeta ofset usulida, A-2 formatida bosiladi. Hajmi 2 bosma taqob. Buyurtma 579 Nashr ko'rsatkichi: 133 Umumiy adadi 30344 16331 nusxasi «Eрудit» MCHJ boshmaxonasida chop etildi.

Korxonada bosiladi. Samarqand shahri, Spitamen ko'chasi, 270-uy.

— Ассало-му алайку-ўм... — Э-э, Махаррадзе! Махаррадзе бобо! Ўзингизми? — Узимман, ака, ўзимман, танидингиз-а? — Танимай бўладими сизни? Сизни-я! Сиздай бир замонлар дунё таниган машхур футбол шарҳловчиси Хусан Махаррадzeni-я?! Бормисиз? — Борман, ака, борман. Тўй қиляпман. Кемангиз бўмайди. — Муборак бўлсин. Албатта, борамиз. Қачон? — Қанақа тўй, кимнинг тўйи, деб сўрамай-сизми? — Ҳар ҳолда, уйланиш ёшига етганингиздан бери олтиш қовун пишиги ўтиб кетди-ёв. Фарзанд ёки набираларни... — Етмишга қиряпмиз, етмишга! — Йўф-е! Кечagina қайроқдай йигитча эмасдингиз?! — Худога шукур, шу кунларга етиб келдик.

— Лекин бир сирни айттайми? Сал шошибсиз-да етмишга қиряпмиз. Хали яна беш-олти йил ўйнаб-қулиб юрсангиз бўларди. Ростини айтсам, ҳавас қиладиган жойлари унча кўп эмас экан етмиш ёши. — О-ҳо-ҳо! Шунақа эканми? Лекин иложи йўқ экан-да. — Ҳай, майли. Футбол нима бўлади? Ким шарҳлайди энди футболжонни? — Бойчиборки бор экан, от безга қолмайди, Алпомиллар топилади, ака. Шогирдлар кўп. — Бойчиборини бошқага берадиган чавандоз йўқ, ҳали узоқ йиллар ўзимиз шарҳлай-верамиз, демасизми, Махаррадзе бобой? — Бундан бағига энди бизники дуо. Дуокаш ҳам керак-ку жамиятга. — Дуокаш бобо, қадим замонлардан бери сиздан бир гапни сўрайман, деб юрардим. Тўғриси айтиб, Хусан Темиров ўша пайтларда шарҳлаш маҳоратини Махаррадзедан ўрганганмиди ёки Махаррадзе сизданми? Кўп футбол ишқибозлари, репортажларингизни эшитганидан кейин, «Махаррадзе асли қашқадарёлик бўлган, кейин кетиб қолган Грузияга. Қашқадарё шевасида гапириши шундан», дейишди. Ҳозир ҳам унда-мунда улфатчилик қилиб турар эмишсизлар, шу гаплар ростми? — Во-хо-ҳо! Махаррадзе Тбилисида, биз Қар-

шида. Лекин кучли шарҳловчи эди у. Овозимиздаги уйқашликка келсак, буям табиатнинг ўйини бўлса керак. Сизмас, бошқалар, ҳатто ўша вақтдаги вилоят ҳоқими, раҳматли Нуриддин Зайниев ҳам мени ҳар кўрғанда «Махаррадзе, ишлар қалай?» деб ҳазиллашардилар. «Агар бугун «Насаф» ютирсан, сени телевизирга, стадионга яқинлаштирмайман», деб ёлғон пўписа қилардилар. — Гўзал табиатли, куюнчук, элпарвар раҳбар эдилар Нуриддин ака. Қаршида телерадио кўчма Ҳайъат йиғилишини ўтказганимизда анча суҳбатлашувдик. — Ў-ў! Нуриддин акага ўхшаган хушфеш, вужуди эҳсон ва саховатга тўла, ҳиммати баланд

Амрилло Аҳмедов, Наманганда Муҳаммаджон ака, Хоразмда Нур Аҳмад... тез-тез «ғийбат»лашиб турамини ўша кунларни хотирлаб. — Намангандаги йиғилишни-чи? — Ў-ў! Яқинда Муҳаммаджон ака билан телефонлашдик. Биласиз, ҳозир ҳам вилоят телерадио-компания раиси. Наманганда ўтган Ҳайъат йиғилишидан кейинги суҳбатлар, баҳс-мунозаралар, гурунглр, Нур Аҳмаднинг хиргойлари — ҳаммасини эсладик, сизнинг қулогингизиям роса қиз-дирдик. — Хусан Эрматов ҳозир «Ishonch» ва «Ishonch-Doverie» газеталарининг бош муҳаррири. Нур Аҳмад таниқли актёр, бир неча бадий фильмларда жиддий ролларни жуда яхши ижро этди. Китоблар ёзди, катта-катта китобларни таржима қилди. Умуман, хоразмликман деган ҳаммасининг қонида санъат бор. — Ҳай, ўтган ишга саловат дегандай, ўтгани — ўтди, бугундан гапиринг, ҳозир нималар билан бандсиз? — Бекорчилик, қарилик гаштини сури-иб... — Ўн беш йил вилоят телевиденисини бошқарган, «Шухрат» медали соҳиб, таниқли журналист, «Энг улуғ, энг азиз» танлови совриндори, атоқли спорт шарҳловчиси, «Ўзбекистон спорти фахрийси» ва энг муҳими, ҳали йигитлардек тетик одамнинг шу эртагига мени ишонади, деб ўйлагингиз-да, а? «Фермер» журналининг Қашқадарёдаги муҳбири эканингизни ҳам, нуронийларнинг вилоят кенгаши аъзоси эканингизиям биланаман. Камтарлики кўйинг-да, зиммангизда яна қандай юмушлар борлигидан гапиринг? — Тўғриси, пенсиядан кейин оёқни узатиб, маза қилиб ётаман, деб ўйловдим. Лекин, айтганингиздай, бекор туриб бўлмас экан. Аксинча, ишлар кўпайиб, қайнаб кетди. Бир минут бекорчи вақт йўқ. Ҳар куни бир эмас, бир неча ташвиш, ташвиш деганни ёмон маъносиам бор, лекин бизларники савобли, хайрли ташвишлар. Президентимиз Шавкат Мирзиёев нуронийларга катта вазифалар юклаганлар. Маҳаллада, мактабда, гузарларда, оилаларда суҳбатлар, ҳар хил тадбир-

рахбарлар жуда кам. Маданиятли, юксак маърифатли. Адабиётни, санъатни севарди, илхоси баланд эди зиёлиларга, спортчиларга. «Насаф» ўйнайдиган кунлари эрталабдан стадион атрофида айланиб юрарди безовта бўлиб. — Таллимаржонни, ичида кўпқари чопса бўладиган баҳайбат қувурларни биринчи марта ўшанда кўрганман. Нуриддин ака олиб боргандилар. Кўриб хайронлар қолувдик. — Ҳайъат йиғилиши муносабати билан Нуриддин Зайниев вилоят ҳисобидан компания биносини таъмирлатиб берилади. Ҳайъат ҳам зўр ўтувди-да! Учрашибми, хабарлашибми қолсак, вилоят телерадиокомпаниялари раислари билан ҳалигача эслашамиз. Эски дўстлар, ўша пайтдаги раислар — Жиззахда Хусан Эрматов, Самарқандда

Абдусамд КҮЧИМОВ, Ўзбекистон Республикасида хизмат кўрсатган ёшлар мураббийси

Ўрнак

ИККИ БОҒНИНГ БОҒБОНИ

Бу маскан мактабдан ҳам кўра, кўпроқ оилага ўхшайди. Уни кўриб, ўрнак оладиган жиҳатлари бисёр. Жамоа ҳамжиҳат, ҳамфикр. Таълим-тарбия берадиган устозлар илмли, ҳалим, тиниб-тинчимас. Ҳудудни айланган кишининг баҳри дили очилади. Мана шундай иқлимни яратиш ортида катта меҳнат, фидойилик ётибди, албатта.



Муҳтарам Ҳасанова 25 йилдан буён мактабда директор. Унгача 17 йил бошланғич синф ўқувчиларига сабоқ берган. Кенг феълли, беқиёс меҳри доим кўзу тилларидан тошиб туради. Минглаб болаларнинг биринчи муаллими. Бағридарё устоз гўзал ёшлигини, борлигини мактабга, эл болалари таълим-тарбиясига бахшида этганлардан бири. Агар ана шу фидойилик бўлмаса, Боёвут туманидаги у бошчилик қилган 19-мактаб ўқитувчиларининг иш тажрибалари республика бўйлаб омалаштириларидами, «Энг обод таълим муассасаси» дея эътироф этиларими?

Рус тили муаллими Дилшода Омонова, Гулчеҳра Маҳмудова, инглиз тилидан сабоқ бераётган Абдусамиди Ўтхлиев, ҳар бир ўқувчисига алоҳида эътиборли бошланғич синф ўқитувчиси Мўминжон Мустафозуловларнинг ютқуларига кўпчилик ҳавасда. Мактабнинг 100 нафарга яқин ўқувчиси спортнинг турли йўналишлари бўйича Ўзбекистон чемпионлари. Белбоғли кураш бўйича жаҳон чемпиони

Шодиёр Ражабаев мактаб фаҳри. Мактабда бирор-бир бўш жойни учратмайсиз. Кўрғазмалар сизга қимлигини эслатиб туради. Миллий либослар, қишлоқ ҳовлисининг кўрниши, уй анжомлари, саранжом-сариншаллик, сўридаги атлас кўрпачалар, хонтахта устига ёзилган кўрок дастурхон... Хонаки гулларни-ку, қўяверасиз. Тасвирий санъат намуналари ҳам одобдан, ҳам одамлиқдан сўзлаб ту-

рибди. «Кўғирчоқ театри» истеъдодли болаларни жамлаган бўлса, 2 мингдан зиёд бадий асарлар жой олган кутубхона ҳамма гавжум. Муҳтарам Ҳасановани икки боғнинг боғбони дейиш мумкин. Чунки болалар қалбига згуликни жо қилиб, таълим-тарбия бериш билан бирга, мактаб ҳудудидаги ташландиқ ерни ўзлаштириб, боғ яратган. 2004 йилда экилган ниҳоллар бугун мева, соя бераяпти. Раҳ-

барнинг ўзи Фарғонанинг Кувасига бориб, боғбонлардан кўчат пайвандлашни ўрганиб келди. Бугун боғда ўн уч турдаги мевали дарактар бор. Боғ «Меҳри қўллар», «Ўқувчилар боғи» лойиҳалари асосида бунёд этилди. Унда ҳар бир устознинг, ҳар бир ўқувчининг ўз даракти бор. Куз келиши билан уруғ тўплаш бошланади. Улар сара навларни экадилар. Голландия райҳонини чой қилиб ичса бўлади. У шифобахш ҳам. Бу турдаги

райҳон фақат мана шу мактаб ҳовлисида ўстириляпти. Боғбонлар 5 турдаги арча кўчатлари етиштиришни ҳам йўлга қўйишган.

Мактаб жамоаси сўнгги уч йил мобайнида туман ташкилотларига 500 минг туп кўчат сотиб, 200 миллион сўмга яқин маблағ жамғарди. Айни вақтда 12 минг тупга яқин 18 турдаги манзарали ва мевали даракт кўчатлари парваришланмоқда. Мактабнинг боғ яратиш, кўчат етиштириш, яшил мактаб бунёд этиш бўйича тажрибаси бошқа таълим муассасаларида ҳам омалаштириладиган бўлди.

«Меҳнат шухрати» ордени соҳибаси Муҳтарам Ҳасанова бу йил «Эл-юрт хурмати» ордени билан мукофотланди. «Бу мукофот менга эмас, мактаб жамоасига берилди, деб биламан», деди у такдирлаш чоғида. Бу кўнгилдан чиққан гап эди. Бу камтар, камсуқум, аммо ўта меҳнаткаш устознинг сўзи эди.

Устознинг икки ўғил, икки қизи бор. Ўн бир нафар набиранинг бувиси. Катта карвон қайдан юрса, қичғи ҳам шундан юради. Минглаб ўғил-қизлар устози бўлган Муҳтарам Ҳасанованинг оилада ҳам издошлари бор. Бир ўғил, бир қизи ва икки келини унга эргашган, яъни педагогика соҳасини танлашган. Карвонбоши эса згуликка элтадиган манзилларни яхши билади.

Баҳор ХОЛБЕКОВА «ISHONCH»

